

乾蟾頭錢灸二

右末猪胆汁浸糕丸麻子大每

二十九丸薄荷湯下

地黄清肺飲 肺熱疔蟹蝕為窠臭或生瘰肉

或鼻生瘡

素白皮

蜜炒五錢

紫蘇

前胡

防風

赤茯苓

片苓

當歸

連翹

桔梗

天門冬

生地

甘草

各二錢

水煎食後

服次服化蠶丸

化蠶丸

蕪荑

蘆會

青黛

川芎

蝦蟆灰

白芷

胡黃連

各等分

右末猪

胆汁浸糕糊丸麻子大每服二三十九丸食後卧

服以杏仁湯吞下其鼻常用熊胆泡湯小筆蘸

洗俟前藥各進數服却用青黛川歸赤小荳瓜

蒂地榆黃連蘆會各等分雄黃少許為細末吹

入收功

下虫丸 治疔細諸虫

木香

飛仁

去皮尖

蕪荑

炒

檳榔

各一錢

鶴虱

炒一錢

輕粉

五錢

乾蟾灰

三錢

史君子肉

五十枚煨

白苦練根皮酒浸貫衆各二錢右末麵糊丸

麻子大每三十九空心清肉汁下治疔勞脊

勞加川歸黃連各二錢五分

龍胆丸治腦府熱餅瘡

龍胆草升麻苦練根皮防風

赤茯苓蘆會油髮灰各二錢青黛

黃連各三錢右末猪胆汁浸糕丸麻子大每二

十九薄荷湯下食後仍以蘆會末吹入鼻中

鯨魚血煎治疔勞

蕪荑柴胡川芎各一兩人參五錢胡連

川連各二錢史君子一枚右用鯨魚血一盞吳茱

萸一兩拌二連淹一宿次早炒乾去茱萸只用

二連俱為末粟米糊丸麻子大每二三十丸白

湯下

鯨甲丸治無辜疔腹中毒起四肢瘦削

鯨甲醋炙黃連枳壳夜明沙各炒五錢

訶肉一枚一熟射香二分蝟虎錢一右末

蜜丸荒荳大每服五丸米湯下日三服

梅肉丸 諸疳煩渴飲水不休

定粉 龍胆草 烏梅肉 黃連炒各

煉蜜丸黍米大每二三十九白湯下

五疳消食丸 治五疳八痢殺腹臟虫療疳勞及

走馬牙疳唇爛肚大青筋此藥大能健脾進食

華顏色長肌肉

麦芽 史君子 黃連 蕪荑炒各

陳皮 龍胆草各等 右末粟米糊丸如粟

米大每服二三十九空心米飲下不拘時

蘭香散 治小兒走馬疳牙齧潰爛以至崩砂出

血齧落者

輕粉 蘭香子各一錢 蜜陀僧炒醋淬

右末傳齒及齧立効

傳齒立効散 鴨嘴胆礬匙上煨 射香少許

右研極細末以少許傳牙齒齧上

又方 用蟾酥一字加射香傳之

地骨皮散 治腎疳齧腭牙齒肉腐臭鮮血常出

生乾地黃五錢 真地骨皮 比細辛各二錢半

五倍子

炒焦 二錢

右末每以少許傳之頻用

大効史君栴榔丸 嬰狹食肉太早損傷脾胃水穀不分積滯不化傳為疳候

肉果

栴榔 生

宣連

胡連

陳皮

青皮

川練肉 炒

神麴

蕪荑

皮炒去

麥芽 炒

木香

夜明沙 炒

蘆會

川芎 各一錢

射香 字一

右末雄猪胆

汁薄荷汁為丸麻子大每三五十九米飲下

肥肌丸 一切疳氣肌瘦躰弱神困乏力常服殺

虫消疳開胃進食

黃連

香附 酒炒

陳皮 各二錢半

川練子肉 炒

川芎

各五錢

木香 二錢

右末紅麴糊為丸麻子

大每服三五十九米飲下

通神丸 治冷熱疳

胡連

川連 各二錢

木香

蕪荑 炒

丁香

肉果 生

史君子肉

煨各一錢

大蟾蜍

一隻剉水 煮爛研膏

右末膏和丸麻子大每十五丸米

卷

五

飲下

取交妳一切疳毒

夜明沙錢五精猪肉三兩碎切全入瓶水煮爛與

兒食之汁亦飲之取下腹中胎毒 次用生姜

四兩和皮切炒黃色再用黃連一兩二味為細

末煮麵糊為丸黍米大米飲下三五十九

布袋丸 諸疳面黃腹大飲食不潤肌膚 此方

予平日用加阿魏五錢極效

夜明沙 蕪荑 史君子肉各二兩 白朮

甘草各 茯苓 人參 蘆會各五錢

右末餗餅為丸彈子大每一丸以生絹袋盛用

精猪肉二兩全入瓦甌煮極爛聽兒食肉飲汁

其藥取起懸於風處次日再用

如聖丸 冷熱疳瀉極神效

胡連 川連 蕪荑 史君子肉各一兩

射香五 蟾蜍五隻酒 右末以膏和為丸麻

子大每三十九人參湯下

肉棗散 肉疳而瘡侵入口鼻

束肉二枚入青礬如椀大火煨存性為末入射香少許香油調塗

煮肝散 疳眼翳膜羞明不見物

夜明沙

蛤粉

穀精草

各一兩

右末每

服一錢五七歲二錢用雄猪肝如匙大一塊批開摻藥在內攤勻麻扎定米泔水半碗煮肝熟撈肝將汁傾在碗內將目薰之其肝分作三次食之即將肝汁送下三次不拘時如大人省目空心食之至夜便能見物如患久不効再製服

即見効

鯀連蘆會丸 小兒食甘甜飲食則生虫生疳

以此治之

胡連

蘆會

川連

史君子

各五錢

神麴

炒

阿魏

青鯀

各一錢

射香

許

右末糊丸黍米大米飲下

四味肥兒丸 嘔吐不食腹脹成疳作瀉不止或食積脾疳目生雲翳口舌生瘡牙齦腐爛發熱瘦怯遍身生瘡小便澄白腹大青筋一切疳候

川連

蕪荑

神麩

麦芽

各等分

右末糊丸桐子大每二三十丸白湯下

銅壁山人黃公集聖丸 治一切疝症附加減法

於後屢試屢驗

蘆薈

五靈脂

夜明沙

炒

砂仁

橘紅

木香

莪朮

煨

史君子肉

各錢

川連

川芎

乾蟾

各錢

當歸

青皮

各一錢半

因於虛者加人參二錢白朮三錢去

莪朮青皮 因於熱者加龍胆草三錢去砂仁

莪朮 因於吐瀉下痢者加白朮二錢肉果煨

訶肉各一錢五分去青皮莪朮 因於積痛者

加煨三稜川練子肉小茴香各二錢去當歸川

芎 因於瘰者加鱉甲醋炙三錢 因於重者

加白蕪荑一錢五分川練子肉二錢去當歸川

芎 因於渴者加人參白朮各二錢去莪朮砂

仁 右為細末用雄猪胆汁二個和麵糊為丸

看大小服米飲送下 予按此方乃十全丹去

檳榔白荳仁加黃連夜明沙砂仁尤為有理方

名十全功收十全也茲改集聖者集治瘕之聖品也此方不熱不寒補不致滯消不致耗至穩至妥故有屢試屢驗之語云

又猪肝散 治疳積瘕而躰羸弱不經下者用此補而下之下後再以參苓白朮散之類調理雄猪肝不見水者四兩用竹刀批開將新荷葉晒乾為末二錢摻入肝內重湯煮熟以肝與兎食之空心服至巳午時取下惡物從大便而出不動臟腑極佳極佳

癩門

錢仲陽云凡治五癩皆隨臟治之每臟各有一獸之形証並用五色丸治之此治小病者發而重者死病甚者亦死若反折上竄其声如犬症屬肝也目瞪吐舌其声如羊症屬心也目直腹痛其声如牛症屬脾也驚跳反折手縱其声如鷄症屬肺也肢躄如尸口吐涎沫其声如猪症屬腎也

生生子曰叅前論雖以五獸配屬五臟亦是以意

測之耳觀其竝用五色丸驟治之且謂發重者及病甚者皆死再無別治法豈謂一五色丸悉能之耶抑謂此病為不治之症殆無可柰何耶將為畧之耶攷之上古未有五獸之分惟朱丹溪乃曰癰症大率屬痰與驚不必分五等尋火尋痰分多少而治無有不愈有熱者以涼藥清其心有痰者可用吐法吐後以東垣安神丸及平肝之藥青黛柴胡川芎之類丹溪此論亦極當理

癰病與急慢多相似而實非癰發時驀然仆地作聲作搐或目上視醒吐涎沫急慢症則不然也蓋驚發後即止癰發或一年一度或一季一度或一月一度或三五日再發或受驚而再發或勞心勞力而再發驚則無此之頻也

癰有陰陽若病初作時先身熱開目瘈瘲驚啼叫喊而後發脉浮者為陽癰仆地多仰內在六腑外在皮膚故易治若病先身冷目半開不驚瘈不啼叫而作脉沉者為陰癰驀然墜伏此內

在五臟骨髓故難治

夫陽癇不因吐下由其內有痰熱客於心胸之間因聞大驚而作若熱盛雖不聞驚亦自作也陰癇其始也亦本於痰熱醫以寒涼藥攻下太過損傷脾胃乃變而為陰非癇本有陰寒症也戴原禮曰癇有五無非痰涎壅塞迷悶孔竅發則頭旋顛倒手足搐搦口眼相引胃背僵直叫吼吐沫食頃乃甦宜星香散加全蝎

孫季子朋來曰凡治驚風顛癇之症而辰砂雄

黃金泊水銀鉛粉等劑不可以久服也緣此皆治有餘之症驚搐初發胃氣尚壯痰邪方盛非此慄悍疎利之劑為之先鋒不可以祛去也稍久則不宜用蓋小兒臟府脆弱易致虛耳煎劑皆傷脾者丹溪云氣虛之人有痰胃氣亦賴所養卒不可便攻攻及反易生而多惟健脾胃以全運化之職則新痰不生兼佐之以消痰之劑則風自定故不專以鎮心攻痰為仗且心者一身之主神明出焉智慧之所由生也鎮心之劑

過多則神志奪而聰明窒塞內經曰主不明則十二官危余往々見多服驚風鎮心之藥者驚定之後痴呆愚鈍寡言寡笑靈覺寂無愀然可憫詎思前藥之所誤哉幼々之心當知所慎又有食癩原從飲食過傷而得後復傷飲食則發其外症嘔吐酸氣或大便餒臭治法先當吐其食俟定後宜以下積藥看輕重下之積去則不復發

五色丸 又名五癩丸

硃砂

錢五

雄黃

珍珠

各一兩

各為細末

再以鉛二兩入銚融化投汞二錢五分攪硬研末和勻煉蜜為丸麻子大每服三四丸薄荷湯下

牛黃丸

治風癩因汗出解脫風邪乘虛迷悶搐

掣涎潮屈指如箕數

胆星

全蝎

焙

蟬退

各二錢半

防風

白附子

天麻

射香

姜蚕

炒各一錢五分

右末枣肉

為丸水銀五分研細入藥丸如菘菹大每服二丸荆芥生姜湯下

消風丸 治風癩先宜用此

胆星 羌活 獨活 防風 天麻

人參 荆芥 川芎 細辛各一錢

右末蜜丸梧子大每二九薄荷紫蘇湯化下

比金丸 治驚癩先宜用此

人參 琥珀 茯苓 遠志去心姜汁炒

硃砂 天麻 石菖蒲 川芎 南星

青黛各一錢 射香 右末蜜丸梧子大每二九

薄荷湯下

化風丹 涼風化痰退熱定搐

胆星 羌活 獨活 防風 天麻

人參 川芎 荆芥 粉草各一錢 全蝎

一枚 右末蜜丸皂角子大每一九薄荷湯化下

妙聖丸 治食癩因驚而傷食吐乳發熱大便酸臭

代赭石煨醋淬二錢半 巴霜三錢 雄黃 全蝎

辰砂 輕粉 射香各一錢 杏仁炒二錢

為末枣肉為丸梧子大每一二九木賊湯下

斷癩丹 治癩瘡後復發症候多端連綿不止

黃芪

炙蜜

釣藤

細辛

甘草

炙各五錢

蛇退

酒炙二寸

蟬退

個四

牛黃

錢一

右末束肉為

丸麻子大人參湯下每服十數丸看見大小

茯神湯 治胆氣虛寒頭疼目眩心神恐懼不能

獨處或是驚癇

茯神

酸棗仁炒

黃芪

栝子仁

白芍藥炒

五味子各一兩

桂心

熟地

人參 炙甘草各五錢 右每五錢水煎服

養心湯 治心血虛怯驚癇或驚悸怔忡盜汗無

寐發熱煩躁

黃芪

茯苓

茯神

半夏麩

當歸

川芎

官桂

栝子仁

酸棗仁

五味

子

人參各三錢

炙甘草錢一分

五分

姜末煎服

妙香散 治心氣不足驚癇或精神恍惚虛煩少

寐盜汗等症

辰砂

錢三

射香

錢一

木香

煨二錢半

茯苓

山藥

茯神

遠志

黃芪

炒各兩 桔梗

炙甘草

人參

各五錢

右末每服一錢溫酒

或白湯下

五癩丸得効方

露蜂房焙

石綠各一兩桂心

遠志肉

人參各五錢

硃砂一錢

右末粥丸梧

桐子大每二三十丸白湯下

參星湯 虛而癩久不愈者

人參五錢

南星炮

為末每服一錢看大小姜枣湯下日二次

銅壁山人治諸癩發歇無時

乾地龍焙五錢

虎睛一對

人參

天竺黃

代赭石煨醋

辰砂

鐵粉各二錢半

輕粉五分

雄黃一錢五分

金銀箔各三十片

牛黃一錢

琥珀三錢

腥星 遠志

石菖蒲

白附子各三錢

姜葱一錢

右末蒸餅糊為丸菖葶大菖蒲紫蘇湯下

終

痘

一

疹



國家圖書館, NATIONAL CENTRAL LIBRARY, TAIWAN, R.O.C.

赤水玄珠第二十七卷

痘疹

痘疹心印小引

痘疹心印小引

生生子曰余考痘之為症上古軒岐秦越人淳乎公輩皆未之論列也自東漢建武中南陽征虜染流中國時謂之虜瘡醫者以蜜煎升麻數數拭之然則痘蓋肇于東漢也已顧柰何張仲景華元化王叔和皇甫謐褚澄孫真人王冰許學士諸名公亦未之置喙至宋錢仲陽而下陳文

新安舊庫子孫一奎著輯

新印 卷二十七 痘疹 心印 小引



中李東垣王好古朱彥脩乃始言之迨劉昉之
幼幼新書王賓湖之幼科類萃徐用宣之袖珍
寇衡之全幼心鑑湯衡之嬰童寶鑑高武痘疹
正宗汪石山痘疹理辨魏直博愛心鑑李言聞
痘疹証治痘疹要訣聞人規胡大卿八十一論
李實痘疹淵源翁仲仁金鏡錄萬菊軒痘疹心
要俞東臯痘疹卮言皆特以痘疹為言者不下
數十家各相發明似無遺漏宜乎今之嬰童可
無虞矣何邇年來痘疹一臨殤輒相踵十不保

五屬故哉在教前書不為不多吐心露膽不為
不悉豈多賦而亡羊即抑其術猶有未臻者耶
嗟嘆書不盡言言不盡意明者當心得之已古
謂用藥如用兵岳武穆云陣而後戰兵法之常
運用之妙存乎一心書安能使人人必克勝哉
矧今之業專門者以痘為經術為禁方固不道
其道心其心各師其見各顯其法而不思融洽
繫理以契所歸故乃宗張喙李是甲非乙殆派
紛而不會其源曷能齊其治哉余燭斯弊每為

痛心故節錄各家成法叅以鄙意會而全之名
曰瘡疹心印度好生君子得以窺其竅妙云爾
原瘡

高軒曰上言之時未聞瘡瘧之瘡素難之文鮮
有及者豈其人專處於野積精全神虛邪苛毒
莫之能害歟或云自建武擊虜遂染其毒流布
中國謂之虜瘡或曰聖瘡言其變化莫測也或
曰天瘡言為天行疫癘也或曰百歲瘡言人自
少至老必作一番也或曰碗瘡言其形之相

似也故患此者如蛇蛻皮如龍蛻骨死生存於
呼吸之間夫上古所無而季世有之抑時世異
耶抑人將失之耶余思其繇天地之氣春夏生
養之紀也其物熙熙秋冬殺戮之紀也其物黜
黜時逮末世已非泰和之景不可謂非時世之
異然人日習偽不知持滿御神之道七損八益
之數務快其心以散其真不可謂非人自失之
也有論穢毒者有論淫火者有論時行正病者
靡有定論將謂穢毒淫火耶則一歲之中大而

郡縣小而村落病者相似而死相繼未必人人若此之甚也將謂時行正病耶何以自少至老但作一次厥後再無傳染也蓋父母於子一躰而分精血之毒已畜於陽施陰化之始固不待誕生之頃嚙其血而後有是毒也况男子惜其氣以養其精女子調其氣以養其血苟失所養即貽他日之患子之受於父母者雖殊其為毒則一也豈有男子淫火起於氣為陽毒而易治女子淫火起於血為陰毒而難治之理耶至於

天行正病亦有其時但觀夫年之所加及有四時不正之氣即知有是正病也然則待時而發者胎毒也或速而危或徐而持或暴而死者氣之微甚所使也發則其毒洩矣所以終身但作一度後有其氣不復傳染焉

孫季子朋來曰淫火即胎毒也天行即疫癘致痘之由端不外是二者蓋淫火肇於有生之初伏而不發必俟天行煨煉一番然後洩之雖百歲不免焉殆亦有生之後一劫也設非淫火胎毒

安得一生只發一次哉矧人之出疹出痘正如
蚕之蛻殼一眠二眠三眠也若謂純是胎毒不
假天行何臨作之年郡縣村鎮沿鄉接境莫不
皆然即卯生如雞鴨胎生若猪犬且皆不免又
際可見至於生者死者實由所感天行之輕重
非干所稟之厚薄也觀今之童稚躰盛神壯宜
其稟氣之厚亦多死者形羸色瘁豈非所稟之
薄且多生者迹此驗之死生輕重乃臨時所感
天行之輕重也為父母者慎加保惜以膺天和
不可純委於命而充天也特筆此以告

萬菊軒曰昔人謂在胞中饑則飡母之血渴則飲
母之血余獨謂其不然蓋兒始受氣之時一月
胚二月胎不過一點精血凝結中涵生意也至
三月以後其形漸成在胞之中譬諸禽鳥之雛
在卵殼中渾渾然薰蒸滋養惟所受太和之氣
漸自生長日月既足乃破其胎卵而出矣何以
能飲食耶必謂有所飲食則胚胎之初形象未
具何飲何食耶且血者渣滓之物有入必有出

十月之前所飲所食之血又從何道出耶若生下口含惡血乃母臨蓐之時血穢流溢入兒口中未必便是先在腹中所食之血也但云兒在胞中滋養形軀長育變化培植根蒂者則在母之血液也

或有問曰兒在胞中饑則食母之血渴則飲母之血萬菊軒以為必無此事驗今之初產之孩口有穢血少頃就有黑糞從便而下是其徵也安可遽謂必無之耶孫季子朋來對曰以物理格

之似無此事也兒之胞胎在腹猶瓜菓然瓜菓賴藤樹滋灌汁從蒂入日漸肥大成熟兒在胞胎混沌沌懵然無知焉有饑餓蓋藉母之漚從胞蒂而灌入臍中十月充足胞分而出口中之穢間或有之實分娩時胞中之餘穢惡露也大便黑糞如瓜菓中之汁水耳此必有之物殆平時灌滲積於其中出懷之後各自立極陽升陰降陽升者啼聲上出也陰降者大便下行也此必然之勢亦必然之理也出懷之後始有出

有入在腹胞中安有出入之徑實者乎格物者自能辯之母致疑也

痘不宜毒物酵發

生生子曰痘本火毒尤因天行故發熱之初看其熱盛便知毒重即宜解散使表裏疎通俾熱毒有門路出也全在頭着工夫胡大卿曰小熱宜解毒大熱宜利小便觀此可見前人慎重之意不輕易用大寒大毒之劑動其大便恐傷沖和壞脾胃也緣痘全藉脾胃尤賴沖和始能灌漿

結靨所謂沖和者即胃中坤元之氣入賴之以養臟府而灌溉周身者也近觀西吳治痘罔用頭着工夫動輒便以鰕魚桑虫雞冠血虺蛇等毒物謂之酵痘習俗為常不思痘本火毒二因宜發但當先門路未清小毒蘊成大毒茲又以毒攻毒不啻火熾添油則脾胃沖和若燎毛矣故毒發之後痘粒粗大膿何得滿或潰而爛或噦而嘔或發癘毒或成外剝或致泄瀉種種之禍變難悉舉豈知門路疎通則痘縱不起發不

過補助氣血而或以大成散佐之自能行漿灌
膿蓋痘粒小則漿易滿亦無變症是曲突徙薪
之法也舍此不為而徼彼焦頭爛額之功殆亦
危矣戒之戒之

戒用天靈蓋

生生子曰醫本仁術夫仁者無大無小無貴無賤
無見無隱無處不然故啟蟄不殺方長不折皆
所以体天地而愛物存仁也醫之治痘逆者不
治險者宜治前人方法林林種種何莫非藥何

物非劑何適非宜故乃取人之骸骨而煨煉之
嗟嗟其忍心亦劇矣乎不思痘之無膿者由氣
虛而血不充也補氣以氣補血以味合取其氣
味之純厚者以補之則得矣如人乳紫河車鹿
角膠之類皆氣純味厚者庶可以補氣血而資
精神彼遺久死骸迨氣血竭絕枯朽之物猶稿
木死灰已且不能延生而又能資他人乎此必
無之理也且痘古稱天花貴清潔而厭腥臭其
不可用一也膿少由於血虛喜潤而惡燥茲犯

煅煉枯燥其不可用二也况律有禁條以無可
取効之物而戕人之遺軀犯律之禁傷天之和
噫操殺術也焉得仁

或曰有用之而痘立發者何謂也生生子對曰
余非謂此物不能發特慨其發之後燥毒交扇
烈若燎原正如灯卮油盡而又益之以灯心立
見焦枯良可悼夫

腎無痘辯

生生子曰諸書皆言四臟俱有痘獨腎無痘故發

熱之初單頭四臟之症驗耳之冷則知腎無痘
也余謂此皆臆度之言非見道之語也緣痘稟
於有生之初父母之淫火伏于子之命門為天
行癘氣感觸而發觀銅人圖命門穴在兩腎俞
之中與臍相對秦越人謂兩腎中間動氣者五
臟六府之本十二經脉之根呼吸之門三焦之
原臟府從此而生故人之所以得死者賴此
動氣以為生生不息之根有是動則生無是動
則呼吸絕而物化矣夫以耳之冷熱驗痘出之

輕重則可若以耳之冷而遽謂腎之無痘則不可腎既曰無痘何前人又有變黑歸腎之說由其有出斯有歸也詳古人用四牙散一方亦可見矣蓋牙者骨之餘腎之標是亦以腎補腎之意惟腎之元氣充足則其痘始能盡出且又能制伏其火而使其氣血相依故化膿結痂而愈也腎虛則不能化漿而使之盡出結痂則色變黑馴至焦枯而告殂矣故曰歸腎者猶言痘本出於腎而仍還於腎也是為辯

首尾不可汗下辯

萬菊軒曰今之治痘者悉云首尾不可汗下听者和之曰痘宜溫補汗下不可也此亦喜補惡攻之遺弊殊不知治痘之法莫要於解毒或攻或補務使毒氣得解而已如其氣血和暢營衛流通表裏無邪其出則盡其發則透其收則時非但不可汗下雖溫補亦不可用也設使外感風寒約束皮膚腠理痘出不快此當汗之令陰陽和營衛通而痘易出毒得解散可也苟不汗之

則毒無從得出留伏于內未免閉門留寇之禍
矣如大熱不退煩渴轉增譫妄昏沉便溺阻塞
此毒留于腸胃之間與穀氣併宜急下之使臟
腑踈通陳莖滌去可也苟不下之則歲畜毒
煎熬于中寧無養虎遺患之悔乎故大要曰謹
守病機各司其屬有者求之無者求之必先五
勝踈其血氣令其條達而致和平此之謂也

審証

孫季子朋來曰治痘先須審証痘固胎毒必假天

行令氣或內傷飲食激而發也發熱之初預當
明其輕重蓋熱輕毒輕熱重毒重也設熱既重
便宜察其表裏外感內傷內傷為裏夫痘全藉
脾土以為依歸脾為倉廩五臟皆仰給於脾外
主肌肉行漿灌膿結痂皆在肌肉脾既受傷則
內熱蘊悶或腹疼嘔急宜消之重者下之使
裏無壅遏則熱自退神自清也內傷不急治六
七日後痘既外出腹中虛矣內傷之物因而瀉
痢則不能灌膿而成內陷外感風邪即宜清解

若頭項痛腰脊強便知為太陽經表症若鼻乾
不得眠口渴便知為陽明經太陽以防風羌活
寒月麻黃桂枝陽明升麻葛根之類古人云必
使一晝一夜汗出熱退為佳蓋腠理踈通則痘
易出易壯遲則熱燒地盤腠理緻密熱無從出
出必稠密或蘊成癰由解散不清縱然發出日
後灌漿必咳嗽声啞嗆喉外剝可不謹之於始
哉觀乎古人呼為痘瘡以其形圓而肖痘也豈
喜土鬆滋潤則易出易成熟初出最嫌土燥成
熟尤怕濕淫燥則難出濕則潰爛故治痘亦如
之若熱盛毒重神昏足冷者即於前解散內消
之中大加解毒故曰六日以前解毒為主六日
以後補托為主過六日則大事已定救無及矣
是以貴在審証勿失時也 右審症

總驗部位

內經曰諸瘡皆屬心火心之華在面痘瘡之候但
以面之部位占之思過半矣痘本火毒火性上
炎諸陽皆上聚於面吉凶善惡尤易見也額屬

心火如印堂以上髮際以下橫兩日月角部位
先見紅點先作漿先結痂者此惡候也蓋心為
君主毒發於心故先見於其位君危則十二官
皆危死殆速矣左臉屬肝木右臉屬肺金如兩
臉先見紅點磊落者吉如相聚作塊其肉腫硬
者死蓋肝藏魂肺藏魄生意既絕魂魄相離故
不治也頰屬腎承漿橫抵兩頤先見紅點先發
先痂者吉此位雖屬腎然三陰三陽之脉皆聚
於此陰陽和故無虞也鼻雖為肺竅而準頭則
屬脾土若準頭先出先痂者凶蓋四臟皆稟受
於脾毒發於脾則四臟皆失所資殆土敗則四
臟皆相隨而敗故延綿日久而後斃也腎之竅
在耳又心之用亦在耳心者少陰君火也而少
陽相火之脉行乎耳之前後凡在耳輪前後先
見紅點者凶蓋君相二火互發燔灼之勢難以
撲滅惟口唇四圍先出先起先痂者大吉緣陽
明之脉俠口環唇胃與大腸主之無物不受殆
猶海也乃多血多氣之經故曰大吉也

驗面

發熱之時面色明瑩者吉赤若塗胭脂者凶此邪氣拂鬱於陽明胃與大腸也陽明經上循於面熱盛故赤也宜清涼解毒稍通利之面垢慘黯者凶面垢者少陽候見也邪熱拂於少陽甚則面微壅宜表裏雙解蓋少陽從中治也

驗耳

腎通竅於耳故耳以候腎也腎臟屬北方天一生之水受氣之初先生兩腎如莖子离坭兩邊

分開之辨也痘疹發熱耳獨涼者瘡疹屬火外邪不干於腎故也如耳熱是邪干於腎毒不發越則反有歸腎之變凡觀痘瘡先看耳後有紅綫者蓋少陽三焦之脉從臆中上出缺盆繫耳後直上出耳角紅者火色也此瘡疹之火發從少陽故色先見於其經也凡痘自耳先出未及成漿耳輪先靨者此漸萌歸腎之勢多凶

驗目

目者心之使也神所寓焉發熱之初觀其兩目神

倦不欲開者痘也目中汪汪若水者疹也諸瘡皆發於心故候見于目也目赤者熱甚也心惡熱急解之經云肝開竅于目瘡疹發熱目連劄者肝有風也風入于目上下左右如風吹不輕不重兒不能任故目連劄也目直視者肝有熱也熱入于目牽其筋脉兩眦俱緊不能轉眄故目直也得心熱則搐者風火相搏也痘疹發搐此其常候但瀉心肝二經之火搐止則吉不止則凶五臟精華皆上注于目痘瘡之毒發于五

臟毒之甚者目必受之故前人註有護眼之法良有深意凡兩眼常出淚者肝熱也此時眼中無痘宜服瀉肝火之藥蓋眼中之毒常在收靨不齊之後方有如痘入目成膚翳者切不可用點藥恐損睛破瞳成廢人矣痘瘡收後目不開者肝熱則目澁不敢開明暗皆然心熱見明則合見暗則開謂之羞明此有餘熱在心肝也如瘡未成膿腫消目開者瘡已過期收靨不齊目閉不開者瘡壞欲變目上竄者心絕也直視不

轉者腎絕也非泣而淚自出者肝絕也微瞑者氣脫也血貫瞳子者火勝水竭皆死候也

驗鼻

鼻為肺之竅痘疹發熱之初噴嚏者火邪上干於肺外應於鼻而痒則嚏鼻乾黑燥者火刑於金金軀本燥得火反甚急宜清金瀉火以解其毒鼻衄者血得熱而妄行故衄出於鼻急以涼血瀉火以解其毒鼻流清涕者疹也疹發於心心肺相連以火煉金熱極而反化為水也痘出之

後鼻塞不通者熱也痘已成漿收靨之時鼻塞不得息者此鼻內有瘡膿涕粘結可用金銀小簪子以通之如痘未成漿鼻端先乾者凶內經曰臟真高於肺以行營衛陰陽也邪火刑肺肺敗不能輸精於皮毛故皮毛焦枯先見於鼻營衛不行陰陽不續以漸遍身皆乾枯而死矣凡瘡變壞鼻中血出者鼻孔開張喘急者肺絕之候皆死証也

驗唇口

脾之竅開於口其華在唇四白發熱之初口中和唇色紅潤者吉如口燥唇裂其毒必甚急解之痘出稠密唇口痘子相粘諸痘未發此處先已戴漿諸痘未收此處先已焦黑者凶面痘腫灌唇上痘裂成塊乾澀者重如痘出太密口中氣臭者臟府敗壞故臭出於口也痘欬變壞唇上縮者脾絕也唇下自呷者魚口也口中涎如膠粘者脾津竭也皆不可治

驗手足

四肢者諸陽之本痘出欬踈其發欬透其靨欬齊如應出不出應發不發應收不收此脾胃氣虛不能旁達四肢也發熱手尋衣領亂捻物者肝熱也手搯眉目鼻口者肺熱也手足搖擗者心肝風火相搏也各隨其臟而瀉之足涼者此常候也足冷手亦冷者脾臟虛也四肢皆稟氣於胃而不得至經必因於脾乃能至也脾虛不能為胃行其津液故冷耳宜溫之痘已出手足多水泡者此肝勝脾衰為鬼賊宜急治之不久便

生痒癩也如遍身皆發手足不透是室殺者此脾胃虛弱津液耗竭營衛凝澁故其毒亦鬱而不發也不能食者死能食者必發癰疽疔勢太甚手足冷者不治痘未成漿手足皮脫者必死痘已正靨惟足不收者足為純陰無陽相濟所以收遲如痘始成漿他處未收手足心先靨者其後必生恠疾也痘靨之後手足關節腫痛者必發癰也痘痒手足搔亂者凶

夾班

班者血之餘有色點而無頭粒隨出隨沒者也丹則成片赤如雲頭而突皆血太過而氣不及營衛失護致血任三焦浮遊之火散漫於皮膚之間耳宜以輕劑散其火邪蒸活血解毒之藥治之並用玄參升麻湯加石膏黃芩荆芥芍藥芎歸或升麻湯加紫草蟬退多磨犀角汁化下烏金丸又或結痂之後而發者餘熱煎熬肉分其斑必爛宜解毒湯加歸芍黃芩石膏甚則大連翹飲爛處以生肌散敷之無不瘳矣至若青黑

紫斑乃毒氣不能發泄之故死生一反掌間耳
急與四順清涼飲利之其斑既退即以四君子
湯加黃耆姜朮煎服如不止再加肉果須要預
煎候之俟斑退血附即服庶可免其內陷也大
抵斑在發熱放標起脹時多用表散在灌膿收
靨時多用解利遍身通紅者治同

發斑有二陽毒發斑者壯熱渴躁兩目如火脉洪
有力其色紅赤者胃熱也紫黑者胃爛也一則
下之早故熱乘虛入胃一則下之晚故胃熱不

得泄皆內外挾熱而發斑也當服玄參升麻白
虎等湯陰疔發斑者身無大熱手足指甲俱青
脉沉細而急其色微紅或暗晦此無根失守之
火聚于胃薰于肺傳于皮膚而為斑也若妄投
以涼劑則誤矣當與升麻鱉甲湯調中溫胃而
斑自退

夾疹

疹即麻也

痘毒出於陰疹毒出於陽陰主血故痘有形而灌
膿結痂陽主氣故疹有色而不膿痂此皆有生

初之淫火伏於命門之間本非尋常並發者惟
痘出之時或天行所激觸動其毒故並出耳此
亦不順之症也故急宜清散先服升麻葛根湯
如不解則犀角地黄湯內既清涼則疹亦隨之
而解矣

錢氏云痘疹只出一樣者善凡痘已見形其間碎
密若瘡子者此夾疹也由火毒薰灼於中故使
疹挾出於外也急宜解毒使疹消散痘得單成
可也宜荆防解毒湯主之若服後而疹不退者

凶之兆也夾班治同

膚疹者熱毒之氣發越而然也暴出之時點如麻
狀但色鮮赤成片耳用敗毒散毒當隨散越數
日而痘出痘反稀疎

劉宗厚云癰疹多屬脾隱然在皮膚間而名之
也發則多痒或麻木不仁者是兼痰兼濕之殊
也色紅者兼火化也用解毒防風湯若內傷外
感而發者用調中湯

夾沙

亦麻類粒頭瑣碎吳地呼為沙子
其狀如夏月膚腠之癩子

沙之形如粟一般尖員而硬中含清水夾痘而出者亦熱毒之所發也用四苓散加防風黃芩分利陰陽而痧自退矣

夾疥瘡

痘夾疥瘡而出則血氣為瘡所奪痘多不能起發成漿須連服內托散庶無坐陷之患也

乾枯黑陷紫陷

朋來曰凡黑如烏羽者生以解其熱雖熾而血尚活治以涼者死無生氣也故不治

痘色初見深紅者必變紫紫必變黑紫黑必至於

乾枯皆血熱乾滯而氣不能運行一定之理固如此也治須以涼血清熱為主看其微甚或利大便或利小便或為解散頂雖平陷不可以氣虛而例用參芪補劑蓋補氣則熱愈甚而血愈涸也宜以絲瓜化毒湯加當歸紅花連翹牛旁更以麻黃解毒湯發散其毒或以紫草湯化下小靈丹或灯心湯化下大靈丹有黑疔者針挑破去其毒血兼用扶脾實土之藥古方有燒人屎者有用四聖散者有用人牙散獨聖散者有

用雞冠血酒漿灌之者有用胡荽酒塗其遍身
并衣服薰之者有用壁間蟻蛛如荳大者研爛
入雄黃每歲一厘同研勻酒調服者有用黃連
犀角清心火者已上皆可擇用如宣風散百祥
丸牛李膏內有大戟等牽牛峻利之藥元氣盛
尚可虧損况痘後之兒尤當慎之

黑陷二種因氣虛而毒不能盡出者酒炒黃耆
草人參黑陷甚者亦用燒人屎

白陷灰陷

朋來曰察其乳食少進二便
清利者為寒法從溫補

痘色白者必變為灰慘灰慘者必變為平伏倒塌
此雖氣虛而血不華色血亦虛也故當氣血兼
補使血活氣行則白色可變為紅庶或可救若
單用補氣之藥則氣燥血虛必致癢癢抓破灰
慘平伏倒塌為不治之症矣治宜補中益氣湯
合四物湯有內熱者加解毒藥白陷抓破皮薄
乾燥而極痒者皆由失於補血以致氣虛則燥
然也

內潰

心鑑曰內潰者胃爛也蓋因風寒所中腠理固密陰陽二分壅塞不通其毒內攻而臟腑之間毒火炮熾則潰而成膿口舌皆白是其驗也識者於痘未出之時或有風寒阻隔氣粗熱甚身必戰動肚腹急痛謹防此患以敗毒散或升麻葛根湯逐散寒邪開泄腠理縱毒外出必無是症

痒塌

痘瘡痒塌令人總歸之氣血虛寒殊不知亦有氣盛血熱而然者須從形色及他証辯之如痘色

淡白精神虛怯小便利大便頻至夜痒甚者此脾氣弱而氣血均虛也參芪內托散及四君子湯加黃芪肉果官桂白芷蟬退主之甚則陳氏木香散佐之如瘡色紅紫煩躁大小便不利渴飲飲湯水甚至抓破血流者此氣虛血熱毒盛血行氣分血味醎醎螫皮肉而痒也四物湯加參耆連翹蟬退白芷甘草及三味消毒飲加紫草連翹主之血流者敗草散蕎麥麵炒黃土摻之又遍身痒甚抓破者不問前後皆服蟬

花散外以乳香或敗荷葉茵陳燒烟薰之 若
穢氣衝觸作痒抓破者宜服內托散外以辟穢
散薰之然發痒精神清爽自知其悞欲人拊摸
者吉若悶亂不寧者搖頭扭項手足舞亂言不
所禁不止者凶也

辟玉曰痘疹發痒如能食而大便堅結者此邪氣
內實正氣外虛也加味四聖解毒湯治之外用
升麻蒼朮麻黃槐柳桑皮煎熱拭之 如泄瀉
者以正氣內虛邪氣外實調元托裏治之外用

山茵陳白艾二味為末燃火薰之如用上二法
而痒即止者吉痒不止而反甚者凶也

心書曰痘瘡作痒者火邪傳於肌膚之間不能即
出或血方流行而為風寒外束故鬱滯而作痒
與傷寒汗不出而作痒相同法以荊芥穗束之
以紙而刺痒痘之項以散鬱邪其痒即止驗之
如神內服消風火化毒湯以解之 以上痒症
痘家之惡候茲錄各家治法驗甚者以備緩急
參用